

11. gr.

Fánastöng skal komið fyrir á húsinu eða við það. Hún skal vera traustlega fest og máluð hvít. Húnn og snerill mega þó vera í öðrum lit. Fánasnúra skal ávallt vera heil. Stöngin skal vera í tveim hlutum, þannig að auðvelt sé að fella hana, t. d. ef skipta þarf um snúru eða mála stöngina. Þess skal vandlega gætt að notaður sé einungis fáni með réttum litum og hlutföllum.

114

28. júní

12. gr.

Árlega skal athuga húseignina alla vandlega með viðgerð fyrir augum. Einkum skal athuga múrhúðun, þak, þakrennur, niðurföll, hurðir, dyraumbúnaði, glugga (utan og innan), málningu, gólfdukk, klæðningu á veggjum, hreinlætistöki, eldavél og hitunartæki, raflagnir og ljóstæki, vatnslögn og krana, gluggatjöld, leiksviðstjöld, gólf í samkomusal o. s. frv.

13. gr.

Skemmdir á húseigninni, áhöldum og húsbúnaði umfram eðlilegt slit, skulu þeir bæta, sem skemmdum valda.

14. gr.

Á opinberum samkomum, sem haldnar eru í félagsheimilinu, má hvorki veita áfengi né neyta þess. Húsnefnd getur svipt þá, sem gegn þessu brjóta aðgangi að félagsheimilinu um tiltekinn tíma.

15. gr.

Reglur þessar, sem settar eru með skírskotun til 8. gr. laga nr. 77 5. júní 1947, um félagsheimili, öðlast gildi þegar þær hafa verið samþykktar af stjórn félagsheimilisins og þegar menntamálaráðuneytið hefur staðfest þær.

Framanritaðar reglur staðfestast hér með.

Í menntamálaráðuneytinu, 28. júní 1960.

F. h. r.

Ásgeir Pétursson.

Knútur Hallsson.

SAMÞYKKT

fyrir Veiðifélag Vatnsdalsár.

115

30. júní

1. gr.

Félagið heitir Veiðifélag Vatnsdalsár. Heimili þess og varnarþing er á Sveinsstöðum í Sveinsstaðahreppi.

2. gr.

Félagið nær til allra jarða, sem land eiga að Vatnsdalsá, Álftaskálará, Tunguá með Hólkotskvísl, Kornsó og Giljá og framrennsli þeirra, en jarðirnar eru: Hjaltabakki, Skinnastaðir 1 og 2, Akur, Stóra-Giljá, Litla-Giljá, Beinakelda 1 og 2, Hnausar 1 og 2, Bjarnastaðir, Másstaðir, Hjallaland með Grundarkoti, Hvammur 1 og 2, Eyjólfstaðir, Bakki, Hof, Kötlustaðir, Gilá, Marðarnúpur, Guðrúnarstaðir, Kárdalstunga, Þórormstunga, Sunnuhlíð, Forsæludalur, Grímstunga, Haukagil, Saurbær, Ásbrekka, Ás, Brúsa- staðir, Snæringstaðir, Undirfell, Nautabú, Kornsó 1 og 2, Gilsstaðir, Flaga, Helga-

115 vatn, Hnjúkur, Breiðabólstaður 1 og 2, Miðhús, Vatnsdalshólar, Sveinsstaðir, Stein-
30. júní nes, Leysingjastaðir, Þingeyrar og Geirastaðir.

3. gr.

Verkefni félagsins er að viðhalda góðri fiskgengd á félagssvæðinu, og að leigja það til stangaveiði. Félagið tekur til allrar veiði á félagssvæðinu. Ábúendum skal þó heimil silungsveiði í lagnet í Vatnsdalsá frá sjó og fram á móts við bæinn Forsældal. Þó má ekki veiði í ánni framan við Undirfell eftir 31. ágúst. Legglengd möskva í netum skal vera 4.5—4.7 cm, þá net eru vot.

4. gr.

Stjórn félagsins skipa þrír menn, formaður og tveir meðstjórnendur. Skulu þeir kosnir á aðalfundi til þriggja ára í senn, ásamt varamönnum. Enginn félagismaður getur skorazt undan kosningu, nema hann hafi setið þrjú undanfarandi ár í stjórninni. Aldrei má nema einn stjórnarnefndarmaður vera búsettur í sama hreppi.

5. gr.

Stjórnin hefur á hendi allar framkvæmdir félagsins milli aðalfunda. Hún fær menn sér til aðstoðar við þau störf í þágu félagsins, sem vinna þarf á hverjum tíma og semur við þá um þóknun fyrir. Formaður er fulltrúi félagsins út á við og hefur yfirumsjón með öllum störfum félagsins og fjárreiðum.

Óheimilt er öllum að veiða á félagssvæðinu, nema með sérstöku skriflegu leyfi félagsstjórnarinnar (sbr. þó 3. gr.). Í leyfinu skal tekið fram um veiðitíma og veiðitæki, og með hvaða kjörum leyfið er veitt. Þó má leyfið eigi vera nema til eins árs, nema lömætur fundur samþykki og tekið hafi verið fram í fundarboði, að slíkt leyfi verði til umræðu.

6. gr.

Aðalfund skal halda í janúar- eða febrúarmánuði ár hvert. Á aðalfundi skýrir stjórnin frá störfum félagsins á liðnu starfsári og leggur fram tillögur um starfsemi þess á næsta ári. Þá skal hún leggja fram endurskoðaða reikninga félagsins fyrir liðið ár og úrskurðar fundurinn um þá. Aðalfundur kýs stjórn og tvo endurskoðendur, ásamt varamönnum til þriggja ára.

7. gr.

Reikningsár félagsins er almanaksárið. Stjórninni ber að færa reikningana í gerðabók, sem henni er skylt að halda, svo og samþykktir félagsins, félagaskrá, arðskrá, fundargerðir og bréf.

8. gr.

Arði af sameiginlegri veiði skal skipt niður á félagsmenn samkvæmt arðskrá. Félagsmenn greiði gjöld til félagsins í sömu hlutföllum og þeir taka arð. Aðalfundur getur ákveðið að leggja allt að 2% — tvo af hundraði — af ársarði félagsins í sérstakan sjóð, er ætlaður sé til umbóta á fiskvegi eða á annan hátt til aukningar fiskgengd í ánni.

9. gr.

Heimilt skal að endurskoða arðskrá félagsins á 10 ára fresti, þó getur helmingur félagsmanna krafizt endurskoðunar á fimm ára fresti.

10. gr.

Eftir því sem ekki er fram tekið í samþykkt þessari um starfsemi félagsins, fer eftir IX. kafla laga nr. 53/1957 um lax -og silungsveiði.

11. gr.

115

Brot á samþykkt þessari varða sektum samkvæmt XVII. kafla laga nr. 53/1957 um lax- og silungsveiði. 30. júní

Samþykkt þessi, sem er gerð samkvæmt lögum nr. 53 5. júní 1957, um lax- og silungsveiði, staðfestist hér með til að öðlast þegar gildi, og birtist til eftirbreytni öllum þeim, er hlut eiga að máli.

Landbúnaðarráðuneytið, 30. júní 1960.

Ingólfur Jónsson.

Þorv. K. Þorsteinsson.

Staðfesting forsetans á skipulagsskrá fyrir Minningarsjóð ættmenna Péturs J. Ólafssonar og Þorsteinu Guðmundsdóttur, Bolungavík, útgefin á venjulegan hátt að mandatam af dómsmálaráðherra 30. júní 1960. 116 30. júní

Skipulagsskráin er þannig:

SKIPULAGSSKRÁ

fyrir Minningarsjóð ættmenna Péturs J. Ólafssonar og Þorsteinu Guðmundsdóttur, Bolungavík.

1. gr.

Sjóðurinn heitir: Minning ættmenna Péturs J. Ólafssonar og Þorsteinu Guðmundsdóttur.

2. gr.

Sjóðurinn er stofnaður til minningar um foreldra þeirra hjónanna beggja og bræður tvo, er drukknudu í blóma aldurs.

Foreldrar Péturs voru þau Ólafur Jóhannesson, bóndi á Hanhóli og í Minnihlíð, f. 16. febr. 1855, — d. 22. jan. 1922 og kona hans, Margrét Ólafsdóttir, f. 12. febr. 1851, — d. 27. okt. 1932.

Bróðir Péturs, sem hér um ræðir var Jóhann Benedikt Ólafsson, f. 8. jan. 1891, — d. 20. apríl 1916.

Foreldrar Þorsteinu voru þau Guðmundur Sveinsson frá Felli í Víkursveit, Strand., f. 28. júlí 1844, — d. 20. maí 1894 í Bæ og kona hans, Kristín Loftsdóttir, f. 25. ágúst 1850, — d. 8. marz 1921.

Bróðir Þorsteinu, sem hér um ræðir var Magnús Sveinn Guðmundsson, f. 2. sept. 1883, — d. 1. júlí 1914.

3. gr.

Stofnendur sjóðsins eru þau hjónin Pétur J. Ólafsson og Þorsteina Guðmundsdóttir, Bolungavík og er stofndagur 31. maí 1960, — á 75 ára afmæli Þorsteinu.

4. gr.

Stofnfé sjóðsins er kr. 10000.00 — tíu þúsund —. Tekjur hans eru, auk árlegra vaxta það fé sem honum kann að berast sem gjafir, áheit, minningargjafir eða á annan hátt.

5. gr.

Hlutverk sjóðsins er að stuðla að fegrun og bættum búnaði Hólskirkju í Bolungavík. Stofnfé sjóðsins, kr. 10000.00, má aldrei skerða og fyrstu 25 árin frá stofnun